

Fundacion Pro Husticia a cumpli 10 aña di existencia



ORANJESTAD – Mas o menos 10 aña pasa Andin Bikker laborando como abogado a ripara cu tin un bashi riba base legal.

“Desde cu mi persona a cuminsa cu e yudansa aki completamente gratis pa e pueblo di Aruba por a ripara kico ta reina den comunidad tambe. Un di e preocupacionnan cu varios ciudadano tin, ta e situacionnan cu nan ta confronta na belasting,



SVB y organonan gubernamental.

Asina Fundacion pro husticia a lanta y ta e unico fundacion di ley cu ta duna servicio gratis y cu tur siman ta atende un cantidad grandi di hende riba nan situacionnan legal y tambe duna consehonan legal cu nan mester atende cu nan situacionnan personal”, asina sr. Bikker ta splica.

Fundacion Pro Husticia ta celebra 10 aña yudando y guia hopi hende den nos comunidad, segun e. Durante di 10 aña di existencia Fundacion Pro Husticia a yuda mas cu 10 mil ciudadano riba nan preocupacionnan.

E ayudo lo sigui riba tur diahuebs for di 4 or di atardi te cu 6 or di atardi na centro di POR di Noord.